

四庫全書

集部

欽定四庫全書

集部

御製詩二集卷十四至十六

詳校官尚書_臣德保

助教_臣常循覆勘

總校官原任中允_臣王燕緒

校對官助教_臣蔡鎮

謄錄監生_臣丁緯

欽定四庫全書

御製詩二集卷十四

古今體六十八首

庚午一

庚午元旦

曦光拂曙啟元正
春入皇州爆竹聲
人喜開年韶景富
香飄合殿瑞雲明
三微橐籥欽天統
萬國共球奉大清
敢翊端凝致熙皞
惟懷兢業守承平

元旦乾清宮宴諸王即席得句

元日乾清宴本支百世親豐年占首歲和氣霽韶辰柏
葉浮醺醑椒花煥映振銀箋將玉管次第春光春

新正試筆

律應青陽杓轉斗春隨曙色敷九有仙木祥徵第祿辰
綵槃香泛屠麻酒太和玉帛八瀛朝黼扆垂衣端拱手
昇平際運敢自矜兢業因心期永守街前爆竹物象熙
樓頭積雪

天恩厚億萬人增億萬年東皇善錫無量壽

正月二日小宴廷臣

紫極韶光麗始青
泰交鵷侶集明庭
綺筵旨酌三辰酒
玉祀榮開兩葉蓂
恭已疇咨卿士月
斂時敷錫庶民星
皞熙未致提封廣
莫漫嬉陳至治馨

恭祝

皇祖定妃太妃九旬千秋詩

九袞欣看大壽躋
祥徵彤管更堪題
蘭宮祝嘏孫曾繞

桐邸承歡子婦齊

太妃自雍正年間即迎養於履親王府第叔嫻齊眉承歡太妃膝下而歲

時令節

皇太后及朕亦偶迎

太妃入宮行慶賀宮庭盛事云

自是遐齡絲介祉果

然厚德致嘉禔懸知百歲仍康健更進霞觴此佇俟

題元人名繪集錦卷

趙孟頫文石疎篁

作石無非飛白法作竹兼能金錯刀松雪齋中偶弄墨
如不經意神常超瞻彼淇澳興遐想刻畫求媚真兒曹

管道昇翠竹烟江

碧浪舟中即景時長烟低拂綠猗猗何人解事聯狐腋

宛與吳興效倡隨

倪瓚安處齋圖即用其韻

是誰肥遯隱君家
對湖山引興賒
名取仲舒真可法
圖成懶瓚亦云嘉
高眠不入客星夢
消渴常分穀雨茶
致我閒情頻展玩
圍爐聽雪剪燈花

吳鎮中山圖

與可竹掩畫
仲圭畫掩竹
倩誰下轉語
竹畫豈二物
叶
醉墨寫中山
淋漓逼眉目
皮藏戒中涓
恒恐自霑溽

馬琬春山清霽

文壁山水得神韻每逢佳處率圖之春山清霽名自署
爲撫爲淮非所知兩峯南北如賓主晴川一帶天無涯
山房或有高士隱烟村燈火隨民宜

馬琬自題正
月望日畫

一日

之樂未可少三日于耜惟其時從來繪事貴取義是圖
可補周人詩

趙丹林陸羽烹茶圖

古弁先生茅屋間課僮煮茗雲間前溪不教浮烟艇

衡泌棲遲絕往還

林子與竹崎圖

坐石談仙訣仙風拂綠鬚海天無盡意師法自方壺

莊麟翠雨軒圖

白屋眇江天林泉意洒然竒蹤驚獨見絕唱幸猶全
古樹圍青嶂平橋界碧川香光論福慧真透畫禪禪

新正重華宮侍

皇太后宴

獻春行慶始天家

王母斑龍降葆車風到五朝初有驗

年前二十
八日立春

人當七

日半非賒華鐙光引團圞月椒酒香留泛澌霞邀得

慈顏歡顧處上林猶積玉爲花

新月

銀潢乍拂一鈎橫今歲新蟾喜倍明積雪樓陰寒不濕
纖雲天際晚偏晴人期三五多懸望翫守盈虧豈繫情
謁憶去年緣底事去年已覺可憐生

椒閣

椒閣蛛塵落玉筵華燈竭過意悽然那忘琴瑟娛良夜
忽寂珎璜向兩年到底日踈連夢遠惟餘景會一情牽
內人例事迎佳節勉強酬春付管絃

祈穀齋居

發歲祈靈

大享壇齋居清夜未云闌惟幾永念欽惟命自省何能
強自寬涖政久虞敷政忽聞人多覺識人難所希

鴻貺綏豐屢粗與吾民共治安

雪

正月
四日

靄靄雲容重霏霏雪勢颺繼冬敷宿潤首歲發新祥梅
閣風增馥瑤臺夜有光齋居屆祈穀敬慰意何長

晴

雪霽亦云可年前三白過迷離融日彩景色湊春和冰

筋垂簷細銀花纈樹多時晴臨縮本玉枕較如何

近得
漢玉

石子命玉工製爲義之玩鶯
而自臨縮本時晴帖於上云

詣齋宮作

玉輅逶迤出鳳城
條風祥旭霽光清
春生叢井人心豫
戶換桃符物象亨

城樓積雪瓦陰深
心所生歡輦上吟
新定儀章陳大駕
永惟德御倍思欽

齋宮疊癸亥春正舊作韻

詩屏七歲閱霽景
六街清春好新霑
雪金穰恰應庚光
風天宇麗嫩日午
窓晴爆竹鳴豐豫
端倪始帝城

夜雪

詰旦

精裡親奠璧明衣數問夜如何
疇人未報三分曙常侍
先稱六出多正值祈農真是瑞
不須筮易定知和前朝
積玉棲鴛瓦又喜新英點鳳柯

祈穀禮成有述

蕭火分光瑞蕤飄攝齊玉陞陟
宮堯卿雲擁處陳三禪
仙樂鳴中奏九韶庸詎孚顒通

有赫仰希左右格

於昭祈年今日承

明貺益勵寅衷惕旦宵

人日

人日何稱七根茲二五精正逢春景麗
恰喜瑞霽并仙木輝朱戶銀花點繡楹
對時頻自省期以副輿情

新正瀛臺即景

瓊島初歸駘宕春行時步輦下楓宸
戶懸寶炬迎嘉夜

餅亞珠未正穀辰

時正月八日

過籟竹敲金瑣碎巡檐梅足

玉精神昨來已是隔年事攬結從頭物象新

淑清院

石徑度流泉竒探小有天樹垂冰作雨砌暖玉生烟屈
膝紅牆繞蝓蛸紫閣連不如深翠處精舍足幽偏

瀛臺小宴外藩

行慶宜春嘉客來趨臺曲宴例教陪晴開苑樹媚韶景
雪糝天街淨薄埃樂奏雅寅初入律恩頒湛露滿浮杯

一家中外熙和際保泰孜孜日念哉

新春悅心殿

朶殿憑高俯液池行時恰值悅心時山容積雪融和盎
物象熙春詆蕩披待引魚龍輝火樹先招鸞鳳試冰嬉
奉三正喜三陽泰輔相裁成有所思

題王詵烟江疊嶂圖用蘇軾詩韻

智者樂水仁樂山何殊過眼觀雲烟千年藝苑留佳話
要因論世然乎然駙馬都尉戚里貴乃厭聲色耽林泉

興來寶繪

晉卿堂名

破醉墨蒼厓秀入秋雲川將軍金碌寶

陀狀眼空當代心追前胸中邱壑具粉本不期其法全

其天玉堂學士眉山老橫排硬語出瓊妍驪珠落落傾

栲栳暖玉靄靄生藍田觸逕當道禁所作愈使羶薌綿

後五百年詩如陽羨入卷秀以麗圖如玉局落筆便而

娟此詩此圖真恰當撫掌三絕頓令忘食眠尤物更喜

得奇遇瑯邪元美人中仙品評離合豁法眼

王世貞跋此卷因歌

辭畫境小有牴牾疑晉卿畫已失僅餘蘇跡而好事者取晉卿別本配之故云使戎遐想定國

元本求無緣中丞三歎烟江幻即今我復賡其篇

豐澤園宴準噶爾夷使

光春嘉宴液池頭廣幕高張愜澤流小部魚龍陳角觝
遠方玉帛逮渠搜薄來厚往遵經訓戢武安邊表大猷
瑞雪應時晴更好午暎意似爲人留

題趙孟頫硯

王孫松雪齋顏久遺跡空傳翰墨香祇有淬妃猶好在
芸帷時晤十三行

二十一叔慎郡王生辰詩以壽之

聖祖含飴恩並天追隨與叔正齊肩詠歌尚憶相酬日

向在書窓與叔和韻之作獨多

彼此同交不惑年

叔今年亦四十

好學好文光

譜牒爲屏爲翰效英賢三陽發歲韶華富介壽還欣福似川

初春之吉恭奉

皇太后駐輦圓明園撫景得句憶昔有懷

依遲淑景向和融更喜輕陰瑞旭籠恩許外藩娛節夜

欣陪

慈輦駐林宮
今春雨雪良多幸
前歲風光杳莫同
椒閣依然懸綺綴
難堪溫卉傍人紅

雪

春園方駐五雲車
一夜紛綏六出花
疑是東皇工點綴
故教瓊辦纈搓牙

東郊早是頻滋麥
節夜還教艷助燈
屈指年來明記憶
逢茲盛事幾回曾

假山曲埭皆含潤竹節松針別有姿
火樹蓮花嫌太麗
特教清景闢新奇

玉色界中樓閣迴冰天
窓裏研甌清新年
行樂饒佳興
都爲青疇溥利耕

上元日侍

皇太后宴

東皇今歲艷華燈
一雪人天喜氣增
燭朗慶霄成不夜
杯圓寶月祝

如陵千枝甲煎蓮花吐百末蘭烟芝篆凝覲眼流光頻
屬想承

歡許案記前曾

上元燈詞

紫瀾風定淨魚鱗今歲元宵景更新玉輿駐輪真不夜
金枝發艷是恒春

峰銜金鳥纔侵夕海湧銀蟾正就盈暮景蒼然剛數刻
早看暎座九華明

樓頭問景邀

王母座側觀燈聚列仙底事人心多悅豫

穹蒼澤溥早春駢

嶙峋三島移仙境
霍靡雙葩燭絳霞
燈火上元渾隔歲

去歲元夕有御園
燈火侍明年之句
御園景物倍清嘉

隔歲興懷且漫論
占年六出慶

明恩東郊于耜欣
霑足指日巡方命
翠軒

疊紙裁羅越樣奇
火蛾玉燕鎮紛蕤
皇都三五增華盛

返樸還淳繫我思

正月十六日賜宴聯句

御製瑞雪宜時淑氣調東皇著意富元宵蓬婆息戰春偏

麗

馭娑承

恩景倍饒干羽兩階符帝舜義和四仲協神堯千邨人

樂祠膏節

臣傅恒

九陌風傳擊壤謠應候陽和諧律

呂凝禧瑞靄接婪櫟天街夜永遲魚鑰

臣來保

瓊島

春回奏鳳簫早見始青敷龍首尚留殘白占山腰

南枝的皜舒梅萼

臣史貽直

大地沾濡潤麥苗盤列五

辛看穩受菜陳七種喜頻挑筵前吉語憑探繭

臣阿敦

克敦

御製

閣裏芳詞憶頌椒兩歲重華踈宴衍今年嘉夜慶和

韶傳柑授簡循前例

依藻興歌叶令朝洵是堂廡通咫尺居然步武上

雲霄唐花影入簾櫳靜

臣梁正

爆竹聲連里巷囂聽

漏嚮晨嘗草制宣風計日待乘軺稱觥預晉華封

祝

臣陳大受

聯珮同趨絳節朝漸斷玉螭冰欲泮霧橫

寶鼎篆徐飄長春疊發仙莖秀

臣蔣溥

不夜停催禁

漏遙朱檻兩行攢火樹赤城十丈起霞標蕊垂蓮

炬明長滿

臣汪由敦

御製

烟重蘭缸暖未消絞縛山棚圖貝闕挽輪冰戲湧瀛

潮香浮翠枕浮圓脆

巧勝琪花勝縷影鰲柱漫勞龍伯釣星槎那藉鹿

盧嬌濃芬乳泛調甌茗

臣劉統勲

秘色瓷鮮奪越窯飮

就琅霜珍粃妝包來雲實重瓊瑤鳳丸和鼎呈雕

俎

臣介福

麟脯行盤進綺寮眉玉浮叟分月戶傾金

激灩酌天瓢七絃清角傳三疊

臣嵇璜

一曲紅牙滾

六么舞鵲迴鸞矜婉轉緣橦度索鬪輕趨座呈海

客珊瑚網

臣嵩壽

御製

屏拂巴賔翡翠翹飛葉一萸依砌祀指寅半月見招

搖成詩莫漫誇華萼

錫宴惟欣詠蓼蕭乍擲晶球光煜煜對翻銀葉影迢迢

魚醵錦浪文鱗躍

臣張泰開

烏放雕籠彩翼超細顆丹

葩生桂粟深叢紫穎茁蘭苔廣場獻壽來駘背

臣孫

嘉塗

小隊嬉春舞鬣紅茵蒼交飛采焰綠蒲萄綴

曳祥飈轟騰文陛殷雷虢

臣觀保

迸落晴簷白雨跳

灼爍星精芒有耀團圞魄寶運無眇林香簷蔔紫

真宇

臣錢陳羣

御製

界淨琉璃敞碧寥上苑即看成閬圃廣陵何用駕虹

橋北門學士連茵席

南極星文燭斗杓

睿藻自天斟沆瀣小言學步賦鷦鷯觀臺瑞現雲三素

臣劉綸

午夜歡迎燭萬條戶有管絃知歲稔人同醑

樂識

恩昭勾芒秉令泉膏動

臣德齡

幾句

行時物色撩奉朔朝正通渤澥來廷王會繪雋僥雨暘

順序徵蕃廡

臣董邦達

功叙登歌振雅騷夾道塵清旋

寶馬圖燈風輓襲華貂百司贊贊思無數

臣裴曰修

御製

三爵油油示不佻憂盛敢忘希令辟亮工端復藉羣

僚泰交相凜休相頌試聽雲門奏徵招

上元後一日小宴廷臣既用前例觀燈聯句并成

是什其願賡韻者聽

儒臣珥筆列長筵燈夕聯吟例向年即此冥搜探物象
絕勝熱鬧聽蠻絃同心交警時方泰舉首欣看月尚圓
頓憶籌邊經歲事飛章剪燭閱西川

宮中行樂萬方知

慈壽康和慶莫涯
祝歲試陳燈影戲
踏歌誰進月華詞
蘭茗翡翠春容與
鸞鳳芙蓉夜陸離
創守評量難易處
思艱累葉正重熙

題鄒一桂山水

飛來笠館翠微間
磴道凌空訝許攀
樹葉吹風看颯颯
瀑流落澗聽潺潺
忘年古鶴閒梳鬣
長日高僧鎖閉關
百尺虬枝扶碧嶂
依稀如過九松山

李世倬松閣飛流

落斜流水滙清溪溪面危亭雲與齊
上下水雲澄動處無邊理趣露端倪

燕九

燈夕度逡巡仙踪紀此辰
自來傳燕九都爲惜華春節
物年增富風光日又新
堂堂閱駒隙脉脉感蒼薪

雪

名園未浹句春雪已逢雨
土膏將脈起潤澤滋培養
午

暄融作雨廉纖已聽響入夜凝六出峭寒切惟幌臨軒
曉問政玉宇迎眸晃林枝疊綴英籠鶴重披氍詎惟足
奇觀更復厓深想邇來

天貺稠毋或予心放

叶

林亭雪景

林亭瑞葉灑連朝向午融和強半消布澤最欣滋綠野
含花長見艷芳條

楊柳似含烟冪歷樓臺仍積玉嵯峨春園新趣添詩興

潔比冰天較若何

望去燕天成一色收來越碗點三清王家蹟未曾携得
乍可遲之賞快晴

年前三白棲鴛瓦早是占農慰法宮清絕園亭不相讓
別開神繪玉玲瓏

燈夕雖過景未殘玉鸞銀鳳舞嬰姍勒回春冷何妨劇
大地無饑自免寒

喜晴

初春已有喜晴詩可識今春雨雪好常年三白每歎冬
那更愁多例愁少前朝夢雨雨公田繼以六霰釀寒峭
叶麥針孕土草含萌此際發生時尚早便復嚴寒諒不
妨虞礙紐芽偏悄悄晨來祥旭散和融凍雲斂淨光天
表山頭積素看將消池面新波愛初渺協紀飭農予切
務豈有閒時去懷抱略得舒心對暖窻書史案頭一探
討

錢維城峭壁寒林

枯枝無葉有丹青架水天然合草亭過壁烟雲饒變態
倚欄高士獨延停

董邦達灌木迴溪

灌木重陰夏亦寒闔閭獨坐俯澄瀾烟波無盡志和趣
豈在樵青與釣竿

填倉日

五辛盤已撤十字餅初嘗節物排年紀風光此日良占
農真得吉從俗亦何妨積潤塍鱗疊成波沼鏡張從新

春婉婉憶舊景徬徨

慧賢皇貴妃於此日仙逝已五閱歲矣而孝賢皇后二週年將次

又及撫景追昔不禁神傷

更切懷賢匹無何逮小祥

新柳

窄地鶯黃綠沼濱一年春色又從新只今意緒渾殊昔
每對新春憶舊人

聞保陽及河南得雨喜而有作

前旬駐御園雨後繼以雪釀寒懼傷麥所幸初春節向
南候已暖霏空融玉屑霖霖慶優渥近遠三寸徹保陽

奏早到商雒章茲閱秋年發既資春耕澤無缺額手爲
蒼生寧不心歡悅

聞雁

雖雖送響傍春宵底事關山不憚迢背燭冥搜聊詠物

去年即景謂宣驕

去春聞雁有數聲
聊爾爲宣驕之句

塞天伯仲依然叙

楚澤烟霞若可招太液池融絕矰繳飲棲付爾恣逍遙

大學士來保七十壽爲是歌以賜之

七十古稀亦常有綸閣中人不多覲

叶

居然台衮臻黃

考平生誠謹獲福厚金門朝夕宣勤久貽背精神尚抖擻漢萬石君今其友作歌春酒爲卿壽詞取易達卿祇受勉力贊襄予左右

暖

薄暖初轉律脆凍早酥津一窓嫩日暄幾朶棚梅新

植梅

於庭以棚護之今有成樹者較盆卉爲佳 駕樓融玉筋釦砌消銀鱗光天誅

貽宕和氣翔綢緼潤含土膏動慶宇清無塵大似江南春聞之江南人

正月廿九日作

六街早罷踏燈歌宿潤含韶鼓太和今歲較於前歲幸
三分已復一分過不無對景頻慙爾試問流陰竟若何
結習也思漸蠲却春來依舊事吟哦

題文徵明研

衡山十四字留銘抽思能生翰墨馨裴几恰供宣席用

高軒不共白雲停

衡山有
停雲館

御製詩二集卷十四

欽定四庫全書

御製詩二集卷十五

古今體七十八首

庚午二

恭奉

皇太后西巡瞻禮五臺發軔京師即目得句

巡方指西晉行令發春旗灑路前旬雨省耕二月時觀
光來岳牧觀俗切疇咨治理思臻厚

慈寧願祝釐芳郊供攬結旭景漸舒遲排日成新什題

端視此詩

盧溝橋

春光輦轎車春水樂鳶魚冰先

去聲

桃花解波含柳色如

堯峰明積素甫野潤新畬絕勝常年景詩成慶慰餘

良鄉行宮作

行宮首頓黃圖近巡幸畿南路必經擬向文殊重瞻禮
又迎

慈輅此居停晚來瓦雀爭巢噪春到盆花傍座馨幾度

景光隨節異橫雲塔影鎮亭亭

詠赤玉石子

兩間粹氣英華積絳雲一握光而澤環寶非璜亦非璧
象同雞卵融黃白夏扶血勇面常赤節士之貞介如石

秋麥

秋霖冬麥均適宜昨歲來牟播偏廣膏澤新春又渥優
暄以恒陽氣融盜紐芽遍野綠蔥蔥餅餌香風匪遙想
申命僕從戒驅馳三農豈易逢年穰蹕路所損縱不多

蠲租詎惜司農帑紛紛赤子覲龍光共樂春臺欣有象

弘恩寺題壁

蘭若通衢左山僧豈厭幽頗能具功德

寺僧蓋律門於持戒供養尚屬

精進較狂參妄證與夫牟利者爲優矣

輒與暫停留暎戶蒼松老聽經白

鷓鴣稠設詢喧寂性分別起心不

柳色

御苑臨仙蹕鶯黃看尚淺涿鹿度行旌柔條綠堪綰
地暎青牟颺風迎玉輦向南氣已暄來東颺正輭披拂

無纖塵掩冉待新蘚景光觸目佳情懷以詩遣

過涿鹿郡

將禮曼殊域重臨凹字城資耕春野潤趁意客途晴
考古叅疑信觀民計歎羸豫遊侯度勉思日謹持盈

醫喻

醫術素不知醫理可推曉不出補與尅二者不同道
補或邪火乘尅或元氣耗叶但期無病佳投醫無一好肘
後誰則見扁鵲從來少寬猛爲政方視此何殊調叶陸

氏有名言庸人戒自擾

涿州城南

涿州城南柳色新光風搖颺青韶春鞦韆擬挽長條問
閱盡征途幾許人

長烟初泮曉風清畫意詩情面面迎萬古江山黃帝野
誰教此處獨傳名

盈疇綠麥已芊繇都道春膏勝往年野老相將修耒耜
未交寒食便耕田

曉行即景

春雲輕綴宇晨露淨消塵紅日寒猶淺青郊景漸新意
行憐路近歲熟覺風醇西嶺嵐煙散迎人玉障皺

示直隸總督方觀承及其屬吏

下隰高原一律滋春巡正值省耕時思其艱矣窮黎庶
與我共之良有司稍幸頻仍逢歲稔幾曾容易致風移
休和端自人心感謾詡豐亨弛敬寅

新月

一鈎新月絳河涯
素影輕寒淅淅披
纔送華鐙驚過節
初來武帳又催詩
烟花少遲去聲紅塵夢半滿
憑叅白業禪宗請示語曰白業蓋啟其鉗椎之意
底用巡檐將步砌
清光無礙到
羶帷

過定興

督亢本膏腴
况乃三白足
春郊迤邐過
秋麥芄蔥綠
雞犬達四境
倉囷比千屋
覽此爲解頤
稍以慰蒿目
邇來天貺厚
大田慶三熟
去歲麥復收
今春地霑溥
此晴更

宜時相將播百穀歎實予之咎豐實予之福此責無可
諉祈年心永篤作詩凜持盈敬勤勉肅肅

暖

春仲氣暄和曲內生機暢萬物向昭蘇鴻鈞妙神匠湛
露溥霑濡惠風徐拂颺前朝覺冷劇雪色凝遙嶂虞或
傷紐茅情懷頗惆悵茲暖實相宜田功故無恙行令履
民瘼對時仰

天貺

習射

武帳多餘暇晴光拂綵旄
風飛夏服寫月挽烏號於
古稱觀德斯今可習勞重
輪連命中得句亦因豪

安肅道中

山嵐欲泮柳烟含驛路和風逐
曉驂行過溪橋回首望
燕南景色似江南

雲容時喜輕籠日雨澤頻欣溥潤田
畿輔省耕常歲事
景光那得似今年

菜畦菓圃連谿塢瀑水東流一帶斜

縣有瀑河東流入淀

恠底山

川饒秀色村名猶自號張華

草色

一帶裙簪幕地青扶輿春色已形形向陽遠入烟光薄
傍渚平分水黛冷誰道文章屬桃李幾多生意捲軒輦
所欣在彼不在此早見來牟綠滿町

至保定賜直隸總督方觀承及其屬吏宴

清苑臨華蓋光風拂綺筵省方延岳牧賜食侑笙絃歲

稔人心豫時康禮教便緊予敷德澤最爾善承宣

命張若澄圖蓮池書院因而有作

平生喜圖畫謂是足神趣佳境率傳真以誌心所慕蓮
池古名勝況是興賢處前歲歷保陽曾一臨鸞輅敞軒
曠怡神窪池澹澄慮假山峯側面應有舊題句了了粉
本具命汝爲分布同異故堪證即離宛可悟待我返巡
蹕卷阿再親賦

夕

暮景拂穹廬寒光發望舒
鏡歌喧玉管辟燭燦金蕤
校閱材官罷疇咨機務餘
云何遣清暇歆案一繙書

唐縣覽古

坡陀十里度逡巡覽古偏
遲行人於二典中欽往聖

縣有帝堯
帝舜廟

況三代上即斯民青帘不
買中山酒綠柳全

呈漉水春豈有新竒傳治
法年豐無事漸還醇

望柏巖

春雲之上見嶙峋千古柏
巖名尚新問爾一峯秀何
許

於中廼有浪仙人

燕南壯士空傳名豈似文章天地英
一句吟安目無物
其雄應不減荆卿

有以顧養精神爲言者詩以示之

豈論中禁外營間肯放身心少趣間
太弊精神縱鮮益
只耽安逸足爲患吟詩習射隨常課
吏治民依切已關
強制不生一念者片時念亦有千般

題董邦達山居小幅

柳隄烟景

鶯黃萬縷曉烟含攬結韶光穉未酣前日意行曾得句
披圖大似涿州南

夏木垂陰

峰側危亭四柱孤綠陰中見路迴紆遠山別爲開生面
漫認米家鷓突圖

疎樹斜陽

微脫酣霜葉戀枝秋江如鏡漾漣漪漁家傍岸閒收艇

斜日輕風在網絲

寒林曳杖

香雪海中白玉臺
波聲凍咽野溪隈
溪頭略約扶筇度
應是孤山放鶴迴

曉行即景

東風習習拂車幘
景物紛迎取次拈
麥色阿誰傳節度
共人程路日徐添

曉雲掩冉作輕陰
因地田功自酌斟
便雨不多晴亦可

今年差慰量農心

背郭連延種樹多熙熙老幼迓驚和但安其性無煩令
爲政名言憶郭駝

東皇神賁物韶妍曉潤灤灤緩鞞鞭最愛綠楊烟色好
山村行近賣餚天

丙寅秋西巡時唐縣老民劉永壽年百有一歲曾
賜之金與食并成長句今一百五歲矣矍鑠猶
昔扶杖來迎既欣人瑞輒以命篇

高年一歲度如旬百五春秋豈易臻重見期順迎蹕路
幾書亥字與時人自云老矣今扶杖我道仙乎爲駐輪
矍鑠精神教孫子力田孝弟作良民

靈濟祠

乾隆十年命高斌引唐河之水以興水利而建祠
於此以祀

河神西巡過此因成是詩

靈邱疏遠派

河源發山西靈邱縣

廣利濬通渠

下爲廣利渠達淀

惟此田

功要庶因民氣舒
崇祠瞻像設便道
憩幽居辟有前題
字年光默想餘

秀木軒

靈濟祠之右有屋三間
偶因停蹕輒額是名並疊
前韻

威紆遙列嶂漩復近臨渠
白屋三間靜青林一望舒
團陰籠月戶行漏遲
去聲雲居茅土風規在
祠後祀三皇五帝心傳

景仰餘

日日

日日行程數十里觀光黎庶紛夾路繁滋戶口識承平
一爲歡慶一爲慮覩茲男婦及老幼孰不食粟而衣布
豐年猶恐難遍及况復豐年豈常遇曰富曰教有次第
剛克柔克因時措咨良有司其勛旃饑溺常懷愍無訴
十八渡

曲折溪流遠山村景又殊綠芒香餅餌白屋富屠麻父
老知恭敬兒童任笑娛羽林謾呵蹕可以繪豳圖

水竇巖

徒稱水竇名未到水竇處奇境固無窮那能遍遊豫淙
流應好在烟霞豈改故但聞坡翁字

岩石上刻蘇軾
浮休二大字

剝

蝕半湮去竭然悟兩言洒爾澄萬慮

戲題詩韻

共我燕南塞北遣茲喜怒憂欣未免連篇累牘曾非月
露風雲佛法滿字半字大塊無文有文五卷一百六韻
默然了不區分

閱本

黃閣封章驛騎馳不因巡幸解疇咨四方暘雨隨時較
萬姓安危切已思亦曰欽哉貫謨典允惟難矣作君師
兢兢無敢渝初志勤政常承

家法貽

檀廬

十笏差強四季宜程途日易向無移琴齋瀟洒何殊爾
布帳單寒却念之蓮綴玉蟲批諾罷蘭垂金穗覓題遲

謾言宮室輸苞茂大禹應還較此卑

阜平縣

蘭衢曉潤不生塵嫩柳新蕪逮仲春
麥隴馳驅嚴後從
烟村景象驗前巡

林園種樹引前川梨棗何須待十年
生計化居民自識
無煩督責順其天

嵒峯一帶俯清湍棧路紆迴度幾盤
大茂西來餘雪色
近山風漸逼人寒

炊烟茅屋颺東風
雞犬蕃滋困鹿充
村老似中春社酒
凍梨面頰暈微紅

普佑寺

竺館招提誰所築
面勢真佳幽趣足
臨水背山納萬景
龍蔥入望饒古木
飛來不數峰號驚
初到宛知苑稱鹿
抖擻塵衣一禮拜
其高丈六復丈六
幽室三間少憩諸
小派大派紛吾目
何當長夏此習靜
儒書釋典隨意讀
阜平縣再依

皇祖原韻

巡方非豫遊謾詠南山杞阜平真阜平依崖築城址戶
口間富貧風俗襍儒俚舉趾四之日春田已新籽遠派
引北流開渠灌山水夾道紛老幼翠華瞻莅止憶我前
度來拂面秋風起敬仰

聖人蹤深恩匝閭里切已勉繼繩瞻

前盡善美屢豐實幸際小康詎宜喜百雉不改邑

是縣城久

頽廢命
重新之

五劇紛填市中命良有司予民善爲理

山中

山中朝暮寒卓午更暄暖向陽草已青背陰雪猶滿一
水度幾番激湍率清淺谷口乃曠夷嶺源尚巉巖山村
凡數家刀耕闢町疇瓜壺堆木盤持以迓華早欣茲太
古風如閱橫披卷

即事

即事書懷亦可欣底須纂組博能文景光今昔停鞭驗
流水東西度嶺分楓葉曾看紅點淡松枝無改翠網緼

招提更在雲深處只放鐘聲下界聞

三箭山

我

皇祖經此三箭連逾峰巔因以得名丙寅秋過之曾成

近體重瞻

聖蹟再賡前章

山名三箭誌曾聞嶸嶸孤峰迴絕羣憶

昔烏號發連矢至今雀躍服千軍初來西狩秋方杪重

度東風春欲分我亦驚弧思繼

武惟殷仰止慙

瞻雲

招提寺

一帶清流對碧山招提路便叩雲關
闍黎禪誦無堪問

愛爾茅菴終日閒

龍泉關再依

皇祖原韻

峰巒攢插漢關塞迴臨空形控千秋固方巡兩度同柳
絲烟釀綠桃萼冷含紅

聖蹟輝巖壑繩承勉用中

度龍泉關有寺名湧泉者寺僧以繩繫鐘杵引於
戶內可卧而撞之前度即欲題詩而未果今復
見之戲成是作

樓閣湧祇林捷椎發大音不消勞撞杵可以穩蒙衾霜
籟常教度晨寒豈慮侵山僧真會懶未免有機心

示山西巡撫阿里衮及其屬吏

策騎度龍泉山川限晉燕入疆今兩度省俗幸仍前穿
窖堆陳粟梯岡闢野田唐風知尚儉示禮要爲先

臺麓寺作

五臺梵宇如叢林第一琳宮即臺麓度長城嶺不十里
結構是間據林谷尚有湧泉寺名在此東歲久廢頽未興

築明朝即可禮驚峰

菩薩頂爲五臺之
中山名靈鷲峯

止頓臺懷留信

宿川名射虎仰

威稜

是處名射虎川
也有泉名神武臺麓寺即在其北

皇祖射虎處

重過碑亭心肅

穆金容月相原如如而我重來閱五熟其旁行宮亦舊

有室宇無多幽事足背依峭壁高推姜綠雲涵鬱饒佳

木時有天風翻翠濤寒逼衣裳怯春服彈指光陰謾憶

昔當前印證獅王躅

閱武

魚麗休排陣鷹揚悉簡精巡方兼閱武恤衆亦隨情

閱兵

未免勞衆故特簡精銳閱
之亦足寓詰戎之意矣

健士跳

平聲

熊植材官破鵠正

不忘勤詰爾累葉正承平

陰

名山能出雲屢試信前聞度嶺崇臺近鋪空霽景分釀

寒增料峭傍晚轉綢繆應是文殊喜天花似昔紛

丙寅秋來

五臺於始至及迴蹕日皆得雪

雪

昨來無縫見天衣一夜銀林纈蕊菲望裏連空方散漫

度餘別墅辨依微詩原踐約碧峰禮

丙寅秋來五臺時凡吟咏諸題皆敬

依 皇祖原韻而未有別作
曾有再過還期禮碧峯之句

雪亦如期玉葉飛山地

向寒無宿麥

若有麥則恐傷穉苗而
五臺地冷倒不種麥云

惟欣澤潤夏田肥

白雲寺小憩

白雲深處稱禪栖
便訪雲關一覓題
密雪埋蹊僧未埽
韶春入樹鳥先啼
三間靜室依然也
五載流陰亦迅兮
北去鷺峰應不遠
玉叢林裏望丹梯

命張若澄圖鎮海寺雪景因而有作

寺景宜遙看到寺
無多奇却見遙看
處紛然畫景披予

因是絜矩萬事皆如茲動而世爲道言行法則垂此言
往者然至若生同時遠則有望耳不厭更近之偶此道
中庸釋典何即離閣黎粥飯罐奚足語以斯可惜占福
地盡屬黃與緇憶我前度來迴鑾駐道陞彼時亦逢雪

瑞葉紛葳蕤翠柏紅牆間寒剝

鍾中者謂之剝

送響遲謂是宜

圖取若靄屬車隨粉本爲指授幘端題以詩逮今成舊

蹟寶笈藏石渠

叶

六靈仍踐盟旋融春光熙數間精舍

中月戶親憑窺千林復萬嶽色相難爲辭傳語示其弟

堅頰蹤可師

殊像寺再依

皇祖原韻

再至瞻殊像維新煥法筵

丙寅來禮是寺惜其頽廢稍爲鼎新之

匪因脩

福業可以悅真禪結攬千山外平量五載前
驚峰直北望樹杪鬱蔥然

再題殊像寺

夷嶮此地開紺園屏息一禮兩足尊文殊師利無定相

優婁比丘多甕言翠柏風舞鸞鳳蓋玉峯寒入雲霞軒
不須拙速催成句少憩吾將意與存

清涼山再依

皇祖原韻

雪蹊歷歷度橋蹤白玉層梯認碧松春月景殊秋月景
下方鐘和上方鐘得教觸目清裁別間復翹心賡

韻重

丙寅秋凡清涼諸題皆依
別尋蹊徑茲始畧有所作間亦敬步
皇祖原韻聚未
原韻云只

有清涼無改度迎人翠罨五雲峯

瞻禮菩薩頂有作

拾級親登靈鷲峯和南月相仰真容

是寺舊名真容院今稱中臺菩薩頂

雲標樓閣丹青煥

是寺亦爲鼎新

雪霽林巒霧靄濃七日現身

傳古蹟五年來禮續前蹤傳言迴蹕行營近風度泠泠

隔嶂鐘

雪水茶

山中雪水煮三清大邑瓷甌入手輕

水以最輕者爲佳此處水較京都玉

泉爲重惟雪水比玉泉猶輕云

屏去薑鹽嫌襍和招來風月試閒評適

添今夕燈前趣宛憶當年霽後程

丙寅秋巡五臺時迴程至定興遇雪曾於

檀帳中有烹三清茶之作

只有一端差覺遜三希即景對時晴

雪霽

雪霽曉暎烘春光漸冶融澗深渾有瀑山靜却無風積
素依陰峭徂雲向遠空龍泉東去路度麥念何窮

暖

向聞五臺極寒處九夏常有冬時冰况復昨朝霏密雪
謂當清曉寒不勝朱鳥騰空一谷煖雄風不作春烟凝

陽崖積素消欲盡陰巘疊玉欹峻嶒和氣融盎韶光媚
山林潤逼雲霞蒸昨來值雪頗切慮保陽一帶經過曾
來年撲隴已勃發紐茅虞被寒威乘關外暄妍有如此
東望腹裏心差寧

清涼寺

蓮宇臺西麓榛蹊一往尋石潭空

去聲

禪性松籟發仙音

春轉暄迎谷冰融雨墜林清涼名獨占

五臺名清涼山
而此寺乃名清

涼寺
故云

分別不生心

再至鎮海寺

朝禮清涼寺山川聊結攬豈能向片石執著論誠感

清涼

寺內有清涼石體木活動寺僧即謬謂能扛動者爲虔誠云

迴蹕已卓午路便尋精

广日融雪已消石磴不滑險月戶昨所憑林嵐頓改形
稍見翠微際幾峰凝黛青黛青仍間白萬景紛刻畫信
哉乾闥城宜爲化人宅晝漏催泠泠椒塗惜舉策何當
坐夜靜笑問松梢魄

花朝

每遇花朝率有詩
清愁薄喜一憑之
無何復值青春半
不住且看紅日移
山裏芳菲應尚早
籬邊旂勝未教遲
羅睺寺旁行宮數字寺僧縛竹爲籬綴以雜綵頗應節物云
向來愁喜渾無著
咫尺

文殊禮導師

羅睺寺少憩

試問誰能轉法輪

寺後有轉輪閣

岫雲松籟總天真
維摩不二

曾無語已是分明說與人

松亭如笠坐冥搜
却喜瀟然滿意幽
節物花朝誰點綴

籬邊剪綵十分稠

登塔院寺塔

曼殊是佛觀察智詎有遺髮藏窣堵

清涼山誌塔院寺有文殊髮塔

設

以眉毛倒翠巘則不勝藏豈僅許花朝風物春暄妍探

竒一訪青蓮宇攝齊拾級登初地騁望千峰近可數穹

窿梵網鸛鶴摩莊嚴火劫天龍護叶誰能於此淨六根

惟覺軒軒興霞舉

顯通寺

雪霽翠微峯蒸爲紫霧濃精藍遊歷歷樓閣見重重靜

悟庭前柏間聽雲外鐘徒聞十二院

顯通寺舊名大孚靈鷲寺後魏孝文

重建十二院誰復辨遺蹤

御製詩二集卷十五

欽定四庫全書

御製詩二集卷十六

古今體八十三首

庚午三

迴鑒即事

祝釐禮化城臺頂陟崢嶸迎喜一天雪駐當三日晴
赴間尋輿境歲事返行旌佳處留餘興前詩偶靜評

丙寅秋來

五臺迴駕時有不教吟
興盡佳處每留餘之句

降旨巡撫阿里衮恤被偏灾及勘不成灾者彙括

成詩

昨歲沐

天恩豐登遍寰宇山右亦稱稔庶鮮饑寒苦太原臨晉

蒲間被水電處

叶

他如猗氏等麥歉秋收普偏灾例賑

恤知實霑恩否

叶

其勘不成灾詎免有窮戶省耕臨晉

疆所過皆樂土數縣雖未經民艱切心所申命方伯臣

旬宣職惟汝予恩汝其沛勿遺無告者

叶

行時豈豫遊

望古勤助補

迴鑿至臺麓

前日至臺麓雲容方釀雪今日來臺麓雪色高峯列向
陽凍漸融溪流聲汨潑柳綠欲招烟蕪青已鋪埒往還
纔五宿景物何頓別山靈想置郵火報花朝節

保陽得雨誌喜

前朝對雪頻增慮惟恐寒威傷麥苗信宿即入直隸境
路左迎鑿來大僚先諮此雪狀何似欣聞膏澤滋青郊
近嶺云亦積盈寸春暎融盎凍早消向所縈懷一以慰

行將歷歷吟和韶

溪源

溪源一脈注往往成大川因之復白圭慎茲綸綍宣

度龍泉關

長城走太行梯雲據豁險人力非鬼工峻嶒何以鑿守
國亦云德是謂善用坎丸泥豈能固弔古徒興感臺懷
返行旌雄關度峻嶒高處且停轡千里縱流覽胡爲一
嶺隔陰陽判舒斂乃知地勢限便是天功範保陽春應

佳歷歷入結攬

固倫額駙超勇親王策楞壽終詩以惜之

有序

額駙在

皇祖時以名藩選尚公主宣力邊陲茂著勞績

皇考授爲定邊左副將軍晉爵親王額爾德尼招之役
血戰先登萬衆披靡狡寇爲之斂跡朕眷待優隆
額駙彌篤忠藎始終一節允惟懿戚中傑出之良
爲王國屏翰於其薨也錫之優卹且命配享

太廟崇祀賢良祠以報殊勲俾衆蒙古知勸復成長律
用誌悼懷

丁年尚主令名聞絕塞宣猷建偉勲不必讀書知大義
每於臨陣冠三軍老成凋謝予憂爾要寄疇咨子克云

命世子成袞札布嗣爲札薩克盟長
將來亦克勝定邊左副將軍之任云重惜賢藩教侑

廟報功兼以勸忠勤

春雲

春雲低遠天春氣蒸修阪土膏潤以蘇韶景和而婉麥

青實慰心柳綠已蓄眼將雨固滋佳便晴亦無損適意
敢矜誇孜孜籌治本

山行即景

山色行行遠春光日日殊杏花紅半放柳葉綠全敷澗
滙尋寬渡嶺過樂坦途問農今歲好每爲駐斯須

見杏花始放

桃花例比杏花先今年見杏桃之前山村種植隨土性
那計景物供留連杏花豈比桃花早杏茲半放桃應老

春色闌珊霎眼間馬上相逢阜陽道五臺花朝花信賒
御園想已蒸緋霞我尚依依執色相何能致雨曼陀華

仇英蠟梅水仙小幅

作友風饕雪虐中淺黃深白意相融詩人擬議休唐突
色相雖殊品格同

含香蠟瓣全欺雪徹骨冰姿解辟寒樓鑰詩情天水法

樓鑰有詠蠟梅水仙詩

傳神豈止欲掀蘭

婢視女星應太屈兄呼寒客似相宜雌黃世論曾何定

我亦於中一酌之

携得行勝日與親悠然並對古之人
檀芬玉質疑飄動
檀室風和不近塵

聞京師得雨誌喜

仲春月二日自京始發
軻雪後宜快晴土脉溥滋潤心
幸勝往年麥收擬轉瞬
巡方逮半月山地燥頗迅謂當
一雨佳耕犁及時趁五臺
值密雪又恐傷苗嫩大吏親
奏言保陽雨盈寸度嶺雪
都消以此釋憂悶今朝京報

至亦得甘膏信地氣益霑溥發生日以奮麥熟洗心雨
謂不必多取其潤沃而已聞諸老農論誌喜吟長言吾將命田畯

詠掛瓶

靜歷黃圖紫塞飽叅秋卉春葩貯就常看不謝慕處偏
宜半斜豈慮勾蜂引蝶只疑浥露蒸霞文殊昨示妙諦
紛雨優鉢羅花

再題普佑寺壁

往返纔旬日春光儘不同榆將叅柳綠杏已先

去聲

桃紅

禪室村墟外前題指顧中蒼松無改度落落韻東風

源上消春雪門前漲碧川恰如來並轡底用渡方船背

指清涼界面叅松石禪

寺內有
賜匾曰松石禪
皇祖

美牆欽觸目俯仰憶

堯年

曲陽縣望香巖閣

奕奕香巖山隆崇冠雲表幽幽香巖閣窈窕棲山嶸借
問因何傳浪仙人賈島人與閣何往春山依舊好我來

山下望罍然興遐抱當其苦推敲逢人不之覺叶僻瘦
亦何妨自得因深造佳句出窮餓妙論創坡老信其言
而然吾詩何足道

雜言

蒼蒼春山夕漠漠春雲低春埒杏欲放春原草已萋春
草復春花年年繪物華昨去寒猶淺綠楊未堪綰今來
氣漸融裊裊搖東風路左紅顏子路右白頭翁相逢發
一笑彼此將無同

夜雨

浙瀝傳聲夜未闌
檀廬乍覺轉輕寒
安排吟緒休教後
明日春光倍好看

青蕪陌上已萋綿
膏澍徐滋色自鮮
所喜來朝清蹕路
更看叱犢滿山田

歌舞農夫盼一犁
春霖頻潤實佳兮
羽林都解承吾意
行路何曾怨泞泥

曉行即景

雨歇村村喜快晴六驄不肯速催程朝烟欲泮招提遠
野水初增略約橫畚畫郊原深柳杏賣餠時節近清明
蘭衢潤渥無塵塽却似山陰鏡裏行

見新耕者

青郊雨後見新耕按轡因教緩緩行春色無邊總娛目
何如芟柞最怡情

聞山東得雨

祈年念寰宇豈獨廬山左山左實災餘饑溺益切我去

歲已兩熟民情幸稍可必得綏屢豐元氣乃大安封章
傳喜音稠疊

天恩荷雪足雨復霑麥佳禾將播叶憶我前巡狩愍彼
遭坎坷每念鳩鵲形爲之中夜坐粟帑匪所惜旬宣不
教情亦惟盡此心更賴

天悔禍三時苟無愆二鬴庶免餓叶勞徠咨勉旃休息
政猶夥

命直隸總督方觀承恤去歲稍被偏灾及勘不成

灾州縣詩以示之

闔省多豐數縣灾豐宜慶幸灾宜哀善爲賑卹登衽席
庶免饑寒困草萊莫謂一隅置度外從知萬姓望恩來
匪隣蹕路何殊別布澤還思遍八垓

唐縣道中作

康衢曉潤靜塵氛藹藹遙天又綴雲雨後郊原羣力作
田功今歲實堪欣

青帘風颭杏初華路轉峰迴擬習家況是清明時節近

中山想復有人賒

村外風輕起紙鳶兒童火迫好春天獨憐白首扶筇叟
咄咄町邊課種田

背看西嶺隔雲林古縣民風信悅心老幼熙熙順耕鑿
放勲遺澤逮於今

命張若澄圖葛洪山因題句

攬轡官郵渡滄水遙峯西北矗翠紫問名云是葛洪山
山固奇哉名亦美欲往遊之虞豁險况復紆途七十里

內廷供奉屬車隨六法曾叅識畫旨嘉陵乘傳有往例
携稿以歸傳其似數日丹青結撰成直移仙境來牕几
隆崇壇曼倚天雄屢屨崢嶸拔地起盤中草木冬不凋
埭上藥花春正葢瀏莅卉歛會五音聞硤條池殫衆技
得路原從滴水堂似限塵蹤一爲洗蘋果園瓦窰寺隨
俗稱石磴無勞攀迤邐進步始至下清虛已若身居天
半矣過此崎嶇迴倍前疑惟鳥翔猿踔爾道藏閣據上
清虛冷空天風二臺名雙竦峙淙潺乳竇浴丹泉老君爐

在空巖裏絕頂乃達聖母宮翠柏紅牆扶罪萎不殊清
蹕訪丹邱拍肩笑有洪厓子我聞稚川求勾漏胡乃水
碧煉於此雲中雞犬渺何方竈側刀圭儼可指若澄筆
仗素所知此圖特妙得神髓靈區陶鑄有是乎會見雲
煙翫左紙

夕

莽蒼暮色來落日羣籟靜旌門較射罷欹案挑燈永書
笈發鱣緇鏡古惕深省五年再西巡仍此保陽境民風

詎臻淳吏治難言整束濕豈其可玩愒滋爲病叶王道
貴用中次乃濟寬猛有志未逮焉懷慙每耿耿

二月二十二日作

是日爲

先皇后在時千秋節也前歲東巡曾駐輦行慶倏忽
歲月將逮大祥撫景成詩情不能已

東巡二月忽思前敬奉

慈闈喜比肩將謂齊齡長御壺奈成永訣乍登船今朝

仍值千秋節兩歲空悲獨旦天文賦遣愁披歎逝行年

恰並士衡年

見陸機歎逝賦序

賦得野舍時雨潤

北地惟防燥春霖不厭多今年真慶幸到處賞融和紅
欲蒸繁杏青徐上淺莎朝煙泮村塢宿露浥坡陀罨畫
吟無盡觀耕喜若何雲容看又好膏澤可延俄

迴鑾至保陽

半月行旌返保陽恰如携得好韶光煙容澹入樓臺遠

麥色濃傳餅餌香
傍浦鷗眠蒲葉綠
迷町蝶栩菜花黃
春郊景象堪欣慰
却慮三時日正長

習字

細細和風拂幔城
氍堂研席洒然清
敲詩較射還餘暇
便一臨池靜六情

晉唐端不少名家
獨愛誠懸一語嘉
近向五臺叅相好
更鋪金粟寫蓮華

題旌忠祠

府治西祀
明楊繼盛

捐軀不爲逆龍鱗兩疏千言萬古新直使權臣陰喪膽
何妨烈士顯忘身降神獨萃扶輿氣懷古重過滄水春
居節丹青藏寶笈

內府藏居節所畫小
像入石渠寶笈上等

鬚眉宛是箇中
人

蓮池書院

西巡迴駐郡城邊便幸蓮池讀愛蓮不必有花識君子
所欣此地育英賢杏桃競繪二月景苔芷平分一畝泉
指點前番覓吟處綠碑重續丙寅年

蓮池書院雜詠

偶過書院樂菁莪二月烟花景色和若沼若亭早圖取

重尋詩約賦卷阿

近命張若澄圖蓮池書院末句有云侍我返巡蹕卷阿再親賦

桃花已謝杏花紅荏苒韶光瞥眼中留詠前題成小住

笑他何必碧紗籠

丙寅所作詩已刻碑覆之以亭四面紗櫺護之故戲及云

宛轉橋通水閣虛團圞月戶俯清渠春來豈慮詩題少

山鳥山花盡起予

蓄水爲池亦蓄魚不勞罾網備觀漁若將羅致方東野

吾意區區豈爲渠

是日水虞例備觀魚以天時尚寒罷之

鹿云介壽鶴稱仙點綴青松白石邊文繡料非牛所願
不如放去任天然

春城風物近清明駐輦優遊少暢情此地那宜陳俗樂

書聲端勝管絃聲

地方官欲陳謳歌以申民樂以書院不宜有此罷之

山桃花

萬物各以時敷芳今朝見桃於保陽落英半貼東流水
杏花依舊菲山岡前茲見杏知桃放

見阜陽道中見杏花始放作可

惜桃殘杏無恙苑枯遲早誰使然而我猶然執名相

題張若澄蓮池書院圖因疊前韻

昔讀濂溪書每愛愛蓮趣是地名蓮池孰不生景慕憶
我丙寅秋曾一至其處今歲西巡歸保陽駐行輅乘閒
復來遊散灑怡神慮遙帷褰縱覽斐几憑搜句置之若

澄圖曲折高下布浮屠亦傳斯

浮屠極樂世界有白蓮華池又有蓮池大師者

殊屬附會云

極樂可證悟儒墨豈同道吾茲故不賦

端村

樊輿紆轡駐端村水獵繩

先一討論引領羣黎欣望幸都緣曾被

聖人恩

結宇隄旁盼水空數間亦可號行宮廢頽稍葺規仍舊
示儉傳茲

神禹風

淀池風物已薰馨岸岸籠烟楊柳青南望滄波渺無極

曠懷一寄悅心亭

行宮前有亭臨水中最宜縱覽名之曰悅心

烟波泛激鏡光涵蟹舍蝸寮漁業諳已覺水鄉無限好
遙飛逸興到江南

題悅心亭

一棹近可達前川川上方亭春望便名曰悅心真不忝
澄碧萬頃連水天天空明難爲狀浩乎吾意與之然
白洋聞比此更廓

白洋大淀較端村水面尤廓云

漾舟明日凌蒼烟周

裊寰海此一勺尚令人意飄乎仙蓬萊應有安羨輩可
惜誤之徐福船

泊舟夕景

別館臨春淀蘭舟坐晚晴水風侵夕冷漁火隔洲明行
漏旋移晷溫花尚吐榮依然青雀舫未免一牽情

白洋淀水圖

遠碧極空明風恬鏡影平鴻網排葉舫齊止視虞旌水
獵方山獵歡聲發棹聲合圍徐俟際五字適因成

皇祖修春獵端因重武功繼繩予惓切踴躍衆心同箭
發鷗浮水鎗鳴雁落空停橈頒獲罷滿意暢東風

前歲試爲初今春乃繼諸

戊辰東巡過趙北口便道一試爲之今春實特舉水獵云

拂雲頻射鶴傍渚亦叉魚老幼就瞻切問問氣象舒覩

茲塵保乂

聖澤實貽予

任邱縣行宮作

獵罷羽林各繫船行宮秀野構溪邊蜃窓縱望湖天濶

鈿几搜吟花柳妍春色芳菲入圖畫化機活潑悟魚鳶

庭柯似欲迎人語重識東風廿八年

自康熙壬寅至今乾隆庚午未舉水

圖者蓋二
十八年矣

題遠碧齋

齋名遠碧恰相宜
几席之間萬頃披
河伯濤聲爭擊鼓
軒皇聖蹟儼垂碑
智仁並樂兼山水
高下齊觀忘險夷
即漸風光臨上已
浴沂點也豈遊嬉

水村雜詠

盪槩沿洄過水村
水村生事略堪論
地收一麥無租賦
父老謳歌憶

聖恩

康熙年間
而免其租賦

皇祖歲行水圖於此因周視地界
一以習武一以爲畿南潄水之區

聖人之意蓋深遠矣然土人每於淤出之地仍播麥
爲餅餌之計夏水潦時則麥已收俗謂一麥當三秋云

蝸寮櫛比盡漁家楊柳風輕碧水涯捕却魚蝦橫繫艇
夕陽一抹網絲斜

魚租雁賦隨時足春釀秋醪不待沽無心歆羨志和者
盡入烟波釣叟圖

不爭水地足安流豈是區區爲豫遊畿輔黔黎蒙樂利
神堯遺制庇千秋

郭里口行宮稍憩

溪村綠柳邊結宇亦清便名里猶傳郭招賢因憶燕雲
輕熟食節景媚養花天坐俯澄波濶依然子在川

漁舟

漁舟艤棹叢蘆曲棹近御舸不教逐老翁鞠脰擎柳筐

云捕修鱗三十六

鯉魚大小皆三十六鱗

銀刀數尾春水肥供庖

聊比獻芹曝憐彼心殷笑領之命取一尾老翁辭吾儕
水物取不竭一魚詎足將我私俞哉翁悃吾已知持歸

食汝孫與兒更賜白金製汝衣今年庶免寒與饑取一大錢戲效而

趙北口行宮對雨

行宮卜築臨春湖軒窓納遠朱欄扶憑虛縱目渺無極
如對雲夢與具區爾時驪龍未吐珠河伯歌舞豐隆趨
烟波變幻莫可測忽成米氏瀟湘圖風中遠淑舟人呼
卧波葦葉藏雙鳬我方樂在春疇濡應接無暇有是乎
須臾雨止斜陽露三兩扁舟向何處

趙北口雜詠

夾隄桃柳三春雨
雨淀烟波十一橋
竭憶東巡前歲景
宜生歡處乍魂銷

西淀水流東淀去
南天雁向北天來
橈人望幸分明記
初試春圖第二迴

天光波影碧相涵
岸芷汀蘭綠已酣
誰識敲詩吟趙北
大如披畫閱江南

疊前歲趙北口閱水圍韻

泛濫畿南水歸斯淀受之試園曾舉昔習武再臨茲魚
頡鳥旰處風恬波靜時沿洄青雀舫演漾綠蒲涯蛇陣
分前後龍文合正奇潛鱗浮箭發飛羽落鎗施武子法
猶闕

仁皇制永垂傑池明節度縵獵式威儀繼

武常思疊乘時豈爲嬉隔年行殿側重仰

鄭州碑

皇祖御製鄭州碑在趙北口行宮側

趙北口水園罷登陸之作

三日舟園足悅心歸途六轡聽如琴河防要欲籌䟽濬

永定河下流覺淤允督臣之請親臨視之以商䟽濬之策

民瘼還因便酌斟平野新

看麥苗長環隄背指柳烟深風光此處留餘興吳越明年待暢吟

排日

排日詩章似例成底須嚮導紀行程拈題略遍燕兮晉
取義相兼粗與精祇以寄懷宵旰共那期中律鬼神驚
較來幸勝常年者誌喜頻因若雨晴

曉行即景

拂曙行旌度柳隄水村咿喔尚聞雞曉風裊裊侵人袂
春草萋萋沒馬蹄二月征途如畫展一鞭烟景入吟低
依然前歲東巡路回首思量重慘悽

過雄縣

春光披澹豔綠野歷綿芊古郡民其庶今巡景勝前

戊辰

東巡亦過此今春民間氣象較前歲爲勝云

新烟傳禁火宿雨報開田代賑

興橐鼓重看雉堞全

直隸各城額廢者多命以工代賑次第經理是處新經修治亦熙績

之一
端云

暖

行園駐水鄉水風送寒淺春服未可更輕裘始稱善登
陸纔兩日頓覺迎人暖風光融綠郊日色暄黃繖陽和
普敷芳庸詎因地轉馮夷欲矜奇未免一籌展對時有
會心得句正憑輦爲政擇洪纖丙吉乃問喘

過永定河

取道閱河干浮橋度廣灘汎凌過竹箭水潦未桑乾四

載由來仰尾閭今度看

適以下口應籌疏濬故度河紆道閩之

敬繩

仁祖志

永定河自始爲隄障之而賜今名

皇祖時永定冀安瀾

玉蘭花

南苑相離近一程駐營中使早來迎御園報道韶光好

木筆描春照眼明

分來含韻齋中韻

圓明園含韻齋玉蘭最勝

擅得衆香國裏香大邑

瓷瓶清供好行廬得句也殊常

依然檀室拈吟處乍憶寧陽問俗時

前歲東巡於寧陽道中見玉蘭花有

詩
却恨人無此花分東風一晌發清悲

一朶銀雲馬上來半星曾不惹塵埃相看果是通身淨
何未姮娥月裏栽

清明

禁火傳煙久不行良辰猶自說清明風光澹冶纔迷蝶
榆柳悠揚未隱鶯兩宿乍先三月節

時二月廿九日

一鞭都入

七言評幾迴更欲停吟筆杜牧司勳已擅名

風

聞道清明日常遭風雨
加果然逢堀堞豈慣妬芳華
始含紅蕊町多茁綠芽
應時應即止吾匪爲看花

閱永定河隄因示直隸總督方觀承

水由地中行行其所無事
要以禹爲師禹貢無隄字
後世乃反諸祇惟隄是貴
無隄免衝決有隄勞防脩
若禹豈不易今古實異勢
上古田廬稀不與水爭利
今則尺寸爭安得如許地
爲隄已末策中又有等次
上者禦其漲歸漕則不治
下者卑加高隄高河亦至
譬之築寬牆

於上置溝渠

叶

行險以傲幸幾何其不潰胡不籌䟽濬

功半費不貲

叶

因之日遷延愈久愈難試兩日閔永定

大率病在是

叶

無已相咨詢爲補偏救弊下口略更移

取其趨下易培厚或可爲加高汝切忌多爲減水壩亦

可殺漲異取土於河心即寓䟽淤義

向來河臣治隄率以加高培厚爲請

朕以培厚尚可加高則隄高而河亦日興俱高非長策也其培隄取土類取之隄外朕謂就近取隄外之土以

益隄隄雖增而地愈下宜取河中淤出新土用之則培隄即寓濬淤之義似爲兩得


河中有居民

究非久長計相安姑弗論宜禁新添寄

河中淤地窮民輒就播種構草

舍以居水至則避去雖不爲害而築塙壘未免有填
河之患祇以遷徙非民所願不得已姑聽之而禁其後
勿附益
增廓云
條理爾其懷大端吾略示桑乾豈巨流束手煩

計議隱隱聞南河與此無二致未臨先懷憂永言識吾
意



御製詩二集卷十六